

O'ZBEKISTON RESPUBLIKASIDA 2023-YILDA AHOLINI RO'YXATGA OLISHGA TAYYORGARLIK KO'RISH VA UNI O'TKAZISH CHORA-TADBIRLARI TO'G'RISIDA

Аҳолини рўйхатга олишга тайёргарлик кўриш ва уни ўтказиш муддатлари

Меъёрий ҳужжатлар

- 1 "Ўзбекистон Республикасида 2022 йилда аҳолини рўйхатга олишни ўтказиш концепциясини тасдиқлаш тўғрисида". 2019 йил 5 февраль ПФ-5655-сон Фармон
- 2 Ўзбекистон Республикасининг "Аҳолини рўйхатга олиш тўғрисида"ги Қонуни
- 3 "Ўзбекистон Республикасида 2023 йилда аҳолини рўйхатга олишга тайёргарлик кўриш ва уни ўтказиш чора-тадбирлари тўғрисида". ВМнинг 2020 йил 11 ноябрдаги 710-сон қарори

Ўтказиш босқичлари

2019-2023 йиллар аҳолини рўйхатга олишни ўтказишга тайёргарлик кўриш босқичи

2023 йил ноябрь аҳолини рўйхатга олишни ўтказиш босқичи

2023-2025 йиллар яқуний натижаларни тайёрлаш ва эълон қилиш босқичи

Аҳолини рўйхатга олишнинг асосий принциплари

- ✓ Даврийлик
- ✓ Умумийлик ва бир пайтдалик
- ✓ Рўйхатга олишнинг яқка тартибдалиги
- ✓ Шахсга доир маълумотларнинг махфийлиги
- ✓ Аҳолини рўйхатга олишни бошқаришнинг марказлаштирилганлиги

2023 йил ноябрь ойида аҳолини рўйхатга олишнинг муддатлари

- 1 1 - 5 ноябрь кунлари
Интернет тармоғи орқали аҳолини рўйхатга олиш
- 2 6 - 10 ноябрь кунлари
Интернет тармоғи орқали рўйхатдан ўтган респондентлар ва уларнинг уй манзиллари рўйхатини шакллантириш
- 3 11 - 22 ноябрь кунлари
Аҳолини рўйхатга олиш варағи шакллари асосида уйма-уй юриб аҳолини рўйхатга олиш
- 4 23 - 25 ноябрь кунлари
Ҳар бир ҳисоб участкасидаги уй-жой манзилларининг 10 фоизини танланма равишда назорат кузатуви асосида ўрганиш

O'ZBEKISTON RESPUBLIKASIDA 2023-YILDA AHOLINI RO'YXATGA OLISHGA TAYYORGARLIK KO'RISH VA UNI O'TKAZISH CHORA-TADBIRLARI TO'G'RISIDA

Aholini ro'yxatga olish – bu mamlakat aholisining muayyan vaqtdagi “fotosurati”ni olish imkonini beruvchi umumdavlat miqyosidagi keng ko'lamli tadbir bo'lib, aholi to'g'risidagi ishonchli axborot manbai hisoblanadi. Aholini ro'yxatga olish – davriy oraliqda mamlakat hududidagi va uning kichik aholi punktlaridagi aholining rasmiy hisobga olish bo'lib, barcha aholining ijtimoiy va demografik tavsiflari to'g'risidagi ma'lumotlarni yig'ish hisoblanadi. Bu tadbir kishilar to'g'risidagi ma'lumotlarni yig'ish, qayta ishlash va umumlashtirish jarayonlarini, shuningdek demografik, iqtisodiy va ijtimoiy ma'lumotlarni baholash, e'lon qilish va tahlil qilishni o'z ichiga oladi.

Aholini ro'yxatga olish tadbiri iqtisodiy jihatdan bizga nima beradi?

Birinchidan, aholi jon boshiga makroiqtisodiy ko'rsatkichlarni (yalpi ichki mahsulot, aholi daromadlari, sanoat mahsuloti hajmi, iste'mol mahsulotlari hajmi, aholiga ko'rsatiladigan xizmatlar hajmi, qishloq xo'jaligi mahsulotlari) hisoblashda foydalaniladi.

Ikkinchidan, respublika va hududlarni ijtimoiy-iqtisodiy rivojlantirish, aholi bandligi, ayollar va bolalar salomatligini yaxshilash va oilalarga yordam ko'rsatish bo'yicha dasturlarni manzilli ishlab chiqishda axborot manbai sifatida xizmat qiladi.

Uchinchidan, aholi punktlarining infratuzilmasini yaxshilashda, mehnat resurslaridan foydalanish va joylashtirish bo'yicha qisqa, o'rta va uzoq muddatli dasturlarni ishlab chiqishda ishlatiladi.

Bunday ma'lumotlar ijtimoiy-iqtisodiy jarayonlarni oldindan baholash, bandlik sohasidagi siyosatni belgilash, ijtimoiy siyosat va aholi salomatligi bo'yicha dasturlarni yaratishda, shuningdek davlat hokimiyati organlarining vazifalarini bajarishi, ilm-fan va jamiyatni axborot bilan ta'minlash uchun zarurdir.